

Biografía di Ricardo Enrique Luidens (Cay)

Ricardo Enrique Luidens a nace na Santa Marta, Colombia dia 19 di november 1934. Nan a pone hopi nomber pa pe. Vicente Kelly a pone e nomber ‘muchu homber wowo berde’; su señora ta rabia, e no kier e cos ey. Nan ta yama e ‘puma’ tambe, pasobra e a haci un grabacion di e cancion ‘puma.’ Anto Tico Guerrero cu su difunto tata ta yame ‘El tremendo Cay’. Su mama ta Pascasia Perez-Luidens y a casa cu Querino Luidens. Cay a nace na Santa Marta Colombia, pero cu nuebe luna e a bin Aruba, anto e a biba mas tanto na Santa Cruz. Cay tin cinco ruman. E ta casa cu Carmen Lampe. Su fecha di nacemento ta, 15 di juli 1936. Nan tin cuatro yiu. E prome ta Omar. El a fayece 2 aña pasa y su fecha di nacemento ta 19 di september 1958. E otro ta Joanie, kende a nace dia 25 di augustus 1959. Liesje kende a casa y awor ta carga e fam Osorio, a nace prome di januari 1963. Por ultimo nan tin Lierla Hein kende a nace dia 19 di augustus 1964 y ta biba awor na Londen.



Segun cay e bida artistico tin su “ups and downs”

Bon e tin su ups and downs tin biaha su señora ta bise hey diabierna e tin un fiesta familiar fiesta famia a haci aña e ta bisa si om e ta bay si, om si Cay bise cu e mester toca hesuse ya Cay ta compronde pe, e tin su ups and down. Ora su señora a bira malo e ora e no tabata tin hende pa keda cu su yiunan, su yiunan no por a keda mas cu ne e ora e ora Cay a dicidi di stop.

E bida artistico musical

Cay su trayectoria a cuminsa tempo e tabata mucha. E tabata bay wak deramento di gay. Anto e tabata wak e hendenan ta pasa Dande. Esey ta loke a pone Cay bay cuminsa toca y despues e tabata bay wak tur e conhuntonan na Aruba. Tur e conhuntonan di antes, tabata toca cu ‘guitara tres.’ No tabatin piano, anto e tabata gosa Horacio Franken con e ta toca bongo. Unda cu e bay, e ta para su tras pa wak e. Semper nan tabata bon

ta toca bongo. Unda cu e bay, e ta para su tras pa wak e. Semper nan tabata bon amigo. E ta trece su cuminda, e ta yama Cay pafo na varios ‘pic nic bailable’ y e ta dune algo di come. Ora Cay a bira grandi, e a haya su rijbewijs y e a cuminsa toca. E tabata coy auto bay San Nicolas, e a cuminsa toca cu Leo Extel Star Duster. Ora cu nan ta toca jazz, Cay tabata toca tamborin. Wel e a dedica mas tempo na cuminsamento na bongo, pero despues

e hendenan ta busca e pa toca tres. E no tabata asisti den jazz. Den Stardust tur tocado tabata profesional. E trompetista yama Spien, tabatin un gay cu ta toca Sax Mousy. Un bon persona cu un oreo grandi. Tambe Fred Muller, awor trahando na Palm Island. Pa Cay su bobedad e a sali, pasobra e kier a bay toca afo, e no kier a toca mas den Colony. Ha ha ha, e a pensa cu afo bo tin mas bida! Anto Cay a cuminsa toca cu Los Casiques di Tom Delany. Nan tabata ensaya banda di

cas di Hector Hasham, den feliz memoria. Anto Hasham tabata tin su banda, pero e ta caba di train tempran of e ta na su cas. E ta bin, coy e trompet y e ta improvisa (floria). Hasham tabata gusta e zonido di 'tres.' Ya e tempo aya Cay tabata por a toca tres. Bo ta haya e piesanan mas facil di Sonora Matancera, mayoria di nan, no ta e merengue manera awor aki. Cay ta templa (stem), laga nos bisa e cuerde mas ariba e tres cuerde dobbel, pero e ta hancha e distancianan. Di e forma ey, e ta casi bira manera un 'guitara seis', pero e tin un triki cu e no ta pisa tur dos pareu den varios ocasion, anto Cay ta templa (stem) cu su dede riba e cuerde F, A y D. Tres dobel, pero di Cay nan no ta dobel, e no ta templa tur dos mescos, di Cay nan ta eerste y tweede. E conoce casi diescincos pa dieseis hende cu ta toca tres, pasobra no tabatin piano.



Desaroyo Musical

Prome pianista cu mi a toca cune tabata Eddie Benette, di feliz memoria. Bon, m'a toca pa Los Condes, Vicente Kelly y Los Pimentosos, m'a yuda los Bigotes de bes en cuando pasobra nan tin un gay cu ta toca tres tambe, depende su orario di warda di trabou. Tambe m'a toca pa Banchi Koolman y pa esun cu mi a toca mas hopi tabata Swinging Boys. No ta facil, pasobra nos ta cinco tocado. E piesanan a bira mas complica, anto bo mester dedica hopi tempo,

pero ami a comete un eror ora m'a bay traha warda den Lago pa casi shete aña largo. E ora mi no por a toca mas. Djey mi a sali fo'i Lago y mi a haya un chens di bay traha te na Camerun, West Africa. Diez aña sin toca. Pero ora m'a bin bek, mi tabata traha warda, pero mi tabata move cu Tico Guerrero. Nos ta toca casi tur diadomingo, aki aya. Unda cu tin cualke fiesta chikito, pero nos ta move. Despues nan a acerca mi pa toca na

diferente luga. Pero mi señora a bira malo y mi no tin yiu mas den cas pa keda cune. Mi ta bin tres or, cuat'or di marduga y e pober ta habri porta di cas zundra mi ora mi yega. M'a stop cu musica, anto despues mi yiunan a curasha mi pa sigui. Cu Juanco Kock, di feliz memoria, mi a toca hopi. Mi ruman muhe Ligia a cumpra un guitara den un case y ora el a trece pa Cay masha contento, (ta hari) anto binti florin so.

Cay ta templa (stem) cu su dede riba e cuerde F, A y D.



Composicion

Vicente Kelly a bisa Cay pa traha un piesa pa e bay tumba-contest di Carnaval. Vicente a desea pa Cay tambe bay hunto cune riba escenario dia di competencia. E ta wak television net ora nan ta drey e tombola pa saca e ganadornan di kavel pa wak parada di Carnaval. Cay a bay den kamber y e a traha e tumba 'Cu kavel of sin kavel'. Vicente a gust'e di biaha. Vicente a core hib'e pa su señora wak, Cay cune a bay patras di cas y nan a sigui traha riba dje. Vicente tabata desea pa Cay a bin ensaya e anochi ey mes. E no por a cumpli cu su deseo, como cu nan tabatin compromiso cu Venezuela cu Lagoven y Maraven. E a scuch'e na radio durante cu nan a pas'e na un di e clubnan ey. E tumba a sali na di tres luga den e competencia.

E Parti Internacional

Nunca mas Cay lo lubida cu e a traha na Africa, anto e tabata biba na un luga cu yama Deido. Un luga bunita. Cay a keda dos pa tres luna su so na Africa, prome cu su yiunan y su señora a bin cerca dje. Dia e a cumpra un guitarra, e tabata biba banda di un riu cu hopi palo rond. Ora bo toca, bo ta haya hopi echo. E a coy su guitarra sinta pafo.

Bo sa, Cay a sinti e liber, sinta bebe asina 'ki y e a dal e piesa riba e tres *"le le filango le le filango Mama coder Papa coder le le filango pa ra ra ra pa pa pa"*. Homber, ora e a wak pafo, tabatin casi doshen pa treshen hende y mucha na cantidad para pafo, pasobra e echo a plama e zonido tur caminda y nan tur a bin scucha su musica y canto.

Sugerencia

Awor aki tin bon chens pa siña. Tempo cu nan a lanta no tabata tin scol di musica, no tabatin radio, ni television. Cay su deseo grandi ta pa Departamento di Cultura sigui cu Dera Gay, Dande, 18 di maart y tur otro evento musical, pa e futuro generacion por siña di nan.

**Segun Cay
tabatin casi
doshen pa treshen
hende para pafo
pa scucha Cay su
Musica y Canto**